

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 17 MAC 2011, PUKUL 10.00 PAGI

Bil. 8

PERTANYAAN-PERTANYAAN BAGI JAWAB LISAN

1. PR-000-L41614
Datuk Wira Ahmad bin Haji Hamzah [Jasin] minta **MENTERI KEWANGAN** menyatakan peluang yang bakal diambil oleh Kementerian dalam mengeksplorasi kekukuhannya nilai mata wang ringgit hari ini berbanding mata wang utama dunia bagi menyokong aliran masuk modal yang lebih besar serta pengukuhan atas makro-ekonomi negara.
2. PR-000-L42495
Tuan Zulkifli bin Noordin [Kulim Bandar Baru] minta **PERDANA MENTERI** menyatakan :-
 - (a) adakah Kerajaan bercadang mengolah semula konsep 1-Malaysia supaya tidak diputarbelitkan oleh pihak tertentu sehingga memberi persepsi mengelirukan kepada rakyat dengan penafsiran yang berbeza dan pelbagai; dan
 - (b) adakah Kerajaan bercadang membuat branding kepada konsep seperti Malaysia-First dengan slogan Negara Didahului, Rakyat Diutamakan dimana setiap rakyat mendahului negara dan Kerajaan pula mengutamakan rakyat dalam semua dasar dan perancangan.
3. PR-000-L42608
Dato' Haji Tajuddin bin Abdul Rahman [Pasir Salak] minta **PERDANA MENTERI** menyatakan apakah peranan dan sumbangan kepada negara oleh Wanita Pertama Negara dalam beberapa siri lawatan ke luar negara.

4. PR-000-L42790
Dr. Haji Dzulkefly bin Ahmad [Kuala Selangor] minta **MENTERI PERDAGANGAN ANTARABANGSA DAN INDUSTRI** menyatakan apakah persediaan Kerajaan dalam menangani senario pasca AFTA 2015 ketika persaingan sektor automobil akan menjadi lebih sengit khususnya dalam menangani 'lambakan' atau 'over-capacity' dari segi impak terhadap 'pembekal-vendor' dan 'dealers'.
5. PR-000-L41201
Dato' Sri Haji Zulhasnan bin Rafique [Setiawangsa] minta **MENTERI PERUMAHAN DAN KERAJAAN TEMPATAN** menyatakan perancangan Kerajaan di dalam membangunkan dan menyelia kawasan letak kereta di pusat bandar dan di kawasan perumahan awam memandangkan keperluan yang semakin meningkat dan pengawalan kesesakan lalu lintas di kawasan-kawasan tersebut.
6. PR-000-L41942
Tuan Wong Ho Leng [Sibu] minta **MENTERI PENGANGKUTAN** menyatakan sama ada Sarawak dibenarkan memiliki syarikat penerbangan sendiri. Adakah penerbangan langsung Sibu-Singapura dan Sibu-Kota Kinabalu akan dibuka.
7. PR-000-L41167
Datuk Seri Panglima Abdul Ghapur Bin Haji Salleh [Kalabakan] minta **MENTERI KERJA RAYA** menyatakan sama ada Kerajaan berhasrat untuk menambah baik kemudahan jalan raya di negeri Sabah memandangkan bilangan kenderaan yang semakin meningkat dan untuk membantu pembangunan ekonomi negeri Sabah, terutama di kawasan luar bandar dan pedalaman.
8. PR-000-L41698
Tuan Haji Ab Aziz bin Ab Kadir [Ketereh] minta **MENTERI KEMAJUAN LUAR BANDAR DAN WILAYAH** menyatakan status kemajuan projek pembukaan 1,000 tabika KEMAS yang diperuntukkan sebanyak RM140 juta di bawah Jabatan Kemajuan Masyarakat (KEMAS).
9. PR-000-L41532
Dato' Shamsul Anuar bin Nasarah [Lenggong] minta **MENTERI PENERANGAN, KOMUNIKASI DAN KEBUDAYAAN** menyatakan kedudukan Lenggong Tapak Warisan Dunia:-
 - (a) usaha Kementerian memelihara kawasan atau bahan warisan penting negara dan apakah usaha mendapatkan bahan warisan negara yang berada di luar negara ; dan
 - (b) usaha Kementerian meningkatkan kesedaran menjaga bahan warisan negara terutama di kalangan generasi muda.

10. PR-000-L42760
Puan Hajah Zuraida binti Kamaruddin [Ampang] minta **MENTERI PERUMAHAN DAN KERAJAAN TEMPATAN** menyatakan apakah Kementerian bercadang untuk mengeluarkan suatu undang-undang kecil berkaitan asrama bagi mengelakkan kediaman awam terus disalah guna sebagai asrama pekerja, terutama buat warga asing.
11. PR-000-L42648
Dato' Dr. Mohamad Shahrum bin Osman [Lipis] minta **MENTERI PERDAGANGAN ANTARABANGSA DAN INDUSTRI** menyatakan apakah rasional cadangan penggabungan dua pengeluar kereta nasional iaitu Proton Holdings Bhd. (PROTON) dengan Perusahaan Automobil Kedua Sdn. Bhd. (PERODUA) yang dikatakan boleh meningkatkan daya saing industri automotif negara.
12. PR-000-L43089
Tuan Gobalakrishnan a/l Nagapan [Padang Serai] minta **MENTERI KEWANGAN** menyatakan berapakah jumlah RM500 dan RM1000 yang pernah dicetak untuk kegunaan negara semasa Dato' Seri Anwar Ibrahim menjadi Menteri Kewangan.
13. PR-000-L41206
Tuan William @ Nyallau Anak Badak [Lubok Antu] minta **MENTERI KESIHATAN** menyatakan adakah Kementerian bercadang supaya jururawat masyarakat yang berkhidmat di klinik desa ulu-ulunya supaya dapat mengendalikan kes ibu melahirkan anak yang tidak mempunyai komplikasi dibolehkan melahirkan anak di klinik desa ulu-ulunya yang jauh di pedalaman Lubok Antu.
14. PR-000-L42367
Tuan Chong Chieng Jen [Bandar Kuching] minta **MENTERI PENGAJIAN TINGGI** menyatakan apakah kriteria pengambilan pelajar untuk program pengajian yang ditawarkan oleh Institut Pengajian Tinggi Awam (IPTA) bagi program pengajian lepasan Sijil Pelajaran Malaysia (SPM) atau setaraf.
15. PR-000-L41620
Tan Sri Datuk Seri Panglima Joseph Pairin Kitingan [Keningau] minta **MENTERI PELAJARAN** menyatakan sama ada Kementerian sudah berpuas hati dengan mutu pencapaian pendidikan sekolah rendah dan menengah di negara ini, dan kalau tidak, apakah langkah-langkah yang telah, sedang atau akan diambil oleh Kementerian untuk meningkatkan mutu pendidikan di negeri Sabah.
16. PR-000-L42277
Tuan Chua Tian Chang [Batu] minta **MENTERI PERTAHANAN** menyatakan :-
 - (a) berapakah jumlah kos perolehan 700 das misal untuk kegunaan pesawat Sukhoi, tarikh penerimaan dan siapakah syarikat pembekal ; dan

- (b) berapakah kos setiap das misal jenis SM 39 Exocet dan Black Shark Torpedoes serta siapakah syarikat pembekal.
17. PR-000-L42013
Dato' Seri Zahrain Mohamed Hashim [Bayan Baru] minta **MENTERI KESIHATAN** menyatakan apakah Kerajaan bercadang mewujudkan satu tabung khusus untuk membantu penghidap penyakit kencing manis (diabetes) yang tidak mampu membiayai kos rawatan hemodialisis yang sangat tinggi.
18. PR-000-L42573
Tuan Kulasegaran A/L Murugeson [Ipoh Barat] minta **MENTERI KESIHATAN** menyatakan adakah negara akan menghadapi kelebihan bekalan doktor dalam jangka masa terdekat, dan jikalau berlaku sedemikian, apakah tindakan yang bakal diambil untuk mengatasi masalah ini.
19. PR-000-L43085
Tan Sri Dato' Seri Ong Ka Ting [Kulai] minta **MENTERI PELAJARAN** menyatakan bilakah SJK (T) Kulai Besar akan dimulakan kerja pembinaan di lokasi baru dan bilakah ia dijangka siap serta anggaran peruntukan yang telah diluluskan tersebut.
20. PR-000-L42086
Tuan Manickavasagam a/l Sundaram [Kapar] minta **MENTERI KEWANGAN** menyatakan jumlah hutang Kerajaan Persekutuan, syarikat milik Kerajaan, syarikat berkaitan Kerajaan (GLC), Kerajaan Negeri dan juga agensi-agensi negeri masing-masing dari tahun 2005 hingga 2010.
21. PR-000-L41183
Tuan Teng Boon Soon [Tebrau] minta **MENTERI PENGAJIAN TINGGI** menyatakan adakah Kerajaan menilai dan meninjau dari semasa ke semasa kursus-kursus yang ditawarkan oleh institusi pengajian tinggi untuk memastikan universiti-universiti tempatan memainkan peranan yang optimum dalam pembangunan negara dan bakal siswa-siswi diberi panduan memilih kursus yang relevan dengan permintaan pasaran pekerjaan.
22. PR-000-L41139
Tuan Mohsin Fadzli bin Haji Samsuri [Bagan Serai] minta **MENTERI PELAJARAN** menyatakan :-
- (a) berapakah jumlah sekolah SRJKC dan SRJKT dari 2008 hingga 2010 dan jumlah penuntutnya ; dan
- (b) berapa perbelanjaan yang diperuntukkan oleh Kerajaan bagi tahun-tahun tersebut.

23. PR-000-L41919
Dato' Ismail bin Kasim [Arau] minta **MENTERI KEMAJUAN LUAR BANDAR DAN WILAYAH** menyatakan strategi Kementerian untuk mengurangkan kadar kemiskinan di kalangan petani dan nelayan terutama daripada aspek pemberian kediaman dan pemberian rumah kos rendah di seluruh negara. Nyatakan projek dan jumlah rumah yang diperuntukkan setiap negeri.
24. PR-000-L42683
Tuan Er Teck Hwa [Bakri] minta **PERDANA MENTERI** menyatakan jumlah kakitangan awam kontrak yang tidak diberikan perlindungan Perkeso dari tahun 2005-2010 dan nyatakan kenapa setengah kakitangan awam kontrak dikecualikan daripada perlindungan Perkeso serta senaraikan jumlah kakitangan yang terlibat mengikut setiap Kementerian.
25. PR-000-L42262
Datuk Raime Bin Unggi [Tenom] minta **MENTERI PERTANIAN DAN INDUSTRI ASAS TANI** menyatakan :-
- (a) peranan FAMA dalam menangani isu penurunan harga buah yang mendadak akibat daripada pengeluaran buah-buahan yang berlebihan; dan
 - (b) apakah Kementerian bercadang untuk membantu petani luar yang kebanyakannya bergantung pada perniagaan tersebut.
26. PR-000-L41664
Dato' Rashid bin Din [Merbok] minta **PERDANA MENTERI** menyatakan dalam usaha untuk menjadikan FELDA satu syarikat multinasional berteraskan agrobusiness dan mempunyai *Integrated value chain*, apakah FELDA sepenuhnya telah memanfaatkan *value chain* berdasarkan minyak sawit hingga memerlukan berbelanja jutaan ringgit untuk mengambil alih satu syarikat yang berasaskan bijian lain yang menjadi pesaing ketat kepada minyak sawit.
27. PR-000-L43007
Tuan Haji Mohd Nor bin Othman [Hulu Terengganu] minta **MENTERI SUMBER ASLI DAN ALAM SEKITAR** menyatakan pelan tindakan yang diambil untuk mengatasi masalah banjir yang sering berlaku di negara kita.
28. PR-000-L42109
Tuan Charles Anthony A/L R.Santiago [Klang] minta **PERDANA MENTERI** menyatakan kesediaan Kerajaan untuk memperkenalkan kembali konsep Equal Opportunity Commission sebagai satu konsep penting ke dalam Model Baru Ekonomi.

29. PR-000-L41351
Ir. Haji Hamim Bin Samuri [Ledang] minta **MENTERI PERTANIAN DAN INDUSTRI ASAS TANI** menyatakan apakah alternatif kepada bekalan bawang (putih dan merah) sebagai persediaan kepada perubahan cuaca yang tidak menentu seperti kejadian banjir buruk yang berlaku di benua India baru-baru ini hingga menyebabkan kenaikan harga bawang serta bekalan terganggu dengan serius.
30. PR-000-L41446
Datuk Eric Enchin Majimbun [Sepanggar] minta **MENTERI PERTANIAN DAN INDUSTRI ASAS TANI** menyatakan jumlah subsidi diperuntukkan oleh Kementerian bagi setiap negeri bagi tujuan perladangan dan perikanan dan bilangan penerima di Sabah dan Sarawak.
31. PR-000-L42304
Dato' Sri Ir. Ong Tee Keat [Pandan] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah kelonggaran yang telah ditawarkan kepada pengusaha-pengusaha hypermarket antarabangsa untuk memperbanyakkan outletnya. Setakat mana impaknya terhadap daya hidup kedai-kedai runcit tempatan.
32. PR-000-L42157
Tuan Nga Kor Ming [Taiping] minta **MENTERI SUMBER ASLI DAN ALAM SEKITAR** menyatakan secara terperinci apakah rancangan jangka masa pendek serta panjang bersama jumlah peruntukan yang akan diberikan kepada Jabatan Pengairan dan Saliran Negeri Perak demi mengatasi masalah banjir yang serius kini yang sering berlaku di kawasan Taiping, Larut, Matang dan Selama.
33. PR-000-L43040
Datuk Hajah Norah binti Abd Rahman [Tanjong Manis] minta **MENTERI PELANCONGAN** menyatakan :-
- (a) sama ada Kementerian akan mempertimbangkan pembinaan sebuah Hotel Seri Malaysia di Hab Halal Tanjong Manis sekiranya Kementerian diberi tanah secara percuma di Hab Halal Tanjong Manis; dan
 - (b) sekiranya tidak, bilakah dijangkakan sebuah Hotel Seri Malaysia akan dibina di Tanjong Manis.
34. PR-000-L43063
Puan Teresa Kok Suh Sim [Seputeh] minta **MENTERI PERTANIAN DAN INDUSTRI ASAS TANI** menyatakan rancangan Kementerian dalam bidang penanaman tanaman makanan demi mengatasi masalah krisis makanan dunia yang diakibatkan oleh banjir di banyak negara pengeluar makanan. Apakah Kementerian mempunyai rancangan tentang keselamatan makanan (*food security*).

35. PR-000-L42208
Datuk Wee Jeck Seng [Tanjong Piai] minta **MENTERI KEWANGAN** menyatakan :-
- (a) adakah kadar cukai yang tinggi kebelakangan ini menyebabkan lambakan rokok tidak sah yang lebih murah mendapat permintaan yang tinggi; dan
- (b) apakah tindakan yang diambil oleh Kerajaan untuk mengelakkan ketirisan rokok tidak sah ini berlaku.
36. PR-000-L42860
Dato' Taib Azamudden bin Md Taib [Baling] minta **PERDANA MENTERI** menyatakan dasar pengisian pegawai dan kakitangan pejabat-pejabat Kerajaan di peringkat daerah yang rata-rata terpaksa bertugas di bawah bilangan yang mencukupi untuk melaksana kerja di bawah paras minimum.
37. PR-000-L42101
Tuan Mohd Nizar bin Zakaria [Parit] minta **PERDANA MENTERI** menyatakan setakat manakah ancaman idea pluralism agama (yang menganggap semua agama adalah sama) dan bahayanya (mengakibatkan ramai umat Islam terpesong akidah dan membawa kepada kerosakan/kebinasaan) kepada umat Islam di negara ini.
38. PR-000-L42978
Puan Siti Zailah binti Mohd. Yusoff [Rantau Panjang] minta **MENTERI PELAJARAN** menyatakan bilangan murid yang tercicir dalam pelajaran, yang menamatkan pelajaran selepas darjah 6 dan tingkatan 5 serta tidak bersekolah di seluruh negara.
39. PR-000-L41503
Puan Hajah Nancy binti Haji Shukri [Batang Sadong] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah perkembangan mengenai pelaksanaan Gender Responsive Budgeting di Malaysia.
40. PR-000-L41767
Dr. Mujahid bin Haji Yusof Rawa [Parit Buntar] minta **MENTERI SUMBER MANUSIA** menyatakan berapakah majikan bukan Islam yang tidak menghormati hak pembantu rumah muslim yang bekerja di rumah-rumah mereka seperti tidak menyediakan makanan halal dan masa untuk solat, apakah ada aduan yang diterima.
41. PR-000-L42737
Dato' Mohd Jidin bin Shafee [Setiu] minta **MENTERI LUAR NEGERI** menyatakan penjelasan mengenai pelan kecemasan bagi menyelamatkan rakyat Malaysia di luar negara jika berlaku sesuatu yang tidak diingini sebagaimana yang berlaku di Mesir dan apakah pengajaran yang boleh dipelajari di sebalik kejadian di Mesir itu.

42. PR-000-L42895
Puan Nurul Izzah Binti Anwar [Lembah Pantai] minta **MENTERI PEMBANGUNAN WANITA, KELUARGA DAN MASYARAKAT** menyatakan pecahan peratusan belanjawan Kerajaan yang benar-benar sampai ke tangan sasaran penerima bantuan kebajikan berbanding peratusan untuk pentadbiran.
43. PR-000-L41379
Tuan Haji Matulidi bin Haji Jusoh [Dungun] minta **MENTERI PERTAHANAN** menyatakan sejauh manakah keberkesanan Modul Kecil Budaya Kerja yang dimasukkan dalam empat modul utama PLKN mampu memastikan pelatih berdikari selepas tamat pelajaran dan latihan.
44. PR-000-L42788
Dr. Siti Mariah Binti Mahmud [Kota Raja] minta **MENTERI SUMBER MANUSIA** menyatakan apakah rumusan atau resolusi yang tercapai dalam makmal gaji minimum (24 Januari 2011) dan apakah tindakan Kerajaan selanjutnya untuk melaksana dan menguatkuasakan gaji minimum.
45. PR-000-L41251
Dato' Abdul Manan bin Ismail [Paya Besar] minta **MENTERI PELAJARAN** menyatakan sejauh manakah kebenaran wujudnya "Sekolah Plaster" di negara ini dan adakah Kementerian berhasrat untuk mewujudkan pengkelasan atau sistem pengasingan terhadap pelajar-pelajar yang bermasalah di sekolah mereka sendiri selain daripada menjatuhkan hukuman buang sekolah.
46. PR-000-L42579
Tuan Lim Kit Siang [Ipoh Timur] minta **MENTERI LUAR NEGERI** menyatakan langkah-langkah yang diambil oleh Malaysia dan ASEAN untuk memastikan Aung San Suu Kyi, kuasa demokratik dan rakyat di Myanmar dapat menyertai secara bermakna proses pendemokrasi dan pendamaian nasional di Myanmar.
47. PR-000-L41676
Datuk Haji Baharum Bin Mohamed [Sekijang] minta **MENTERI SUMBER ASLI DAN ALAM SEKITAR** menyatakan bilakah tarikh sebenarnya tebatan banjir Daerah Segamat khususnya dalam kawasan Parlimen Sekijang akan dilaksanakan dan berapakah kos projek.
48. PR-000-L43032
Tan Sri Dato' Abd. Khalid bin Ibrahim [Bandar Tun Razak] minta **MENTERI WILAYAH PERSEKUTUAN DAN KESEJAHTERAAN BANDAR** menyatakan mengapa pihak berkuasa tidak mengambil tindakan terhadap pemaju yang menceroboh kawasan rekreasi Bandar Tasik Selatan dengan membina lot-lot banglo dan padang mini golf sedangkan kawasan ini telah diwartakan sebagai kawasan lapang dalam Draf Pelan KL 2020.

49. PR-000-L42681
Tuan Wee Choo Keong [Wangsa Maju] minta **MENTERI DALAM NEGERI** menyatakan bahawa memandangkan ramai rakyat Singapura yang memasuki Malaysia menggunakan Pas Sosial dan menetap atau bekerja bertahun-tahun lamanya (*permanently*), sama ada Kementerian bercadang mengeluarkan peraturan baru seperti undang-undang imigrasi Singapura di mana pelawat-pelawat atas Pas Sosial hanya dibenarkan tinggal di Singapura tidak melebihi 90 hari dalam setahun, supaya tidak ada penyalahgunaan Pas Sosial tersebut.
50. PR-000-L41254
Puan Fong Po Kuan [Batu Gajah] minta **MENTERI DALAM NEGERI** menyatakan kutipan "saman" bagi bulan Julai 2010 sehingga Februari 2011 mengikut jumlah yang dibayar di kaunter PDRM dan laman web. Berapakah jumlah Kementerian perlu bayar kepada pihak lain dan yang dikutip (RM2 setiap transaksi) oleh Myeg.
51. PR-000-L42843
Dato' Haji Abd Rahman bin Dahlan [Kota Belud] minta **PERDANA MENTERI** menyatakan apakah status pencapaian NKRA setakat ini dan adakah ianya mengikut jadual.
52. PR-000-L41411
Dato' Haji Ab. Halim Bin Ab. Rahman [Pengkalan Chepa] minta **MENTERI PERTANIAN DAN INDUSTRI ASAS TANI** menyatakan kemajuan projek Ampangan Getah (*Rubber Dam*) merentangi Sungai Kelantan untuk peningkatan pengairan Lemal dan KADA. Bilakah ia akan siap dan sekiranya siap nanti apakah kesan pengeluaran padi dalam kawasan tersebut.
53. PR-000-L41607
Datuk Wira Ahmad bin Haji Hamzah [Jasin] minta **MENTERI PENGANGKUTAN** menyatakan tahap rundingan untuk membawa penerbangan langsung dari luar negara ke Lapangan Terbang Batu Berendam selain penerbangan dari Indonesia memandangkan prasarana lapangan terbang ini yang sudah dinaik taraf.
54. PR-000-L41914
Dr. Tan Seng Giaw [Kepong] minta **MENTERI KEWANGAN** menyatakan senarai syarikat berkaitan Kerajaan (GLC) yang menunjukkan prestasi baik dan yang kurang memuaskan. Apakah jumlah modal berbayar dan sumbangan kepada ekonomi negara.
55. PR-000-L41375
Dato' Seri Ong Ka Chuan [Tanjung Malim] minta **MENTERI PELAJARAN** menyatakan apakah tindakan drastik Kementerian untuk mengatasi masalah yang dihadapi oleh Sekolah Rendah Jenis Kebangsaan Cina terutama sekali di bandaraya dan bandar-bandar besar yang mempunyai bilangan murid yang tinggi dalam sesuatu kelas berbanding dengan bilangan guru yang rendah dan bilik darjah yang terhad.

56. PR-000-L42973
Tuan Haji Nasharudin bin Mat Isa [Bachok] minta **PERDANA MENTERI** menyatakan pengagihan peruntukan RM 111 juta kepada projek Permata Negara bagi tahun 2011.
57. PR-000-L41558
Tuan John A/L Fernandez [Seremban] minta **MENTERI LUAR NEGERI** menyatakan mengikut pecahan negara-negara yang terlibat:-
(a) berapa ramaikah rakyat tempatan yang kini ditahan di penjara luar negara; dan
(b) apakah sebab-sebab penahanan mereka.
58. PR-000-L41951
Tuan Sim Tong Him [Kota Melaka] minta **MENTERI SUMBER ASLI DAN ALAM SEKITAR** menyatakan :-
(a) dalam Rancangan Malaysia Ke-9, jumlah peruntukan yang dilulus untuk projek pencegahan banjir mengikut setiap negeri dan pencapaian projek-projek ini; dan
(b) nyatakan punca-punca utama yang mengakibatkan banjir sering berlaku terutama di tempat tertentu.
59. PR-000-L41588
Tuan Tan Kok Wai [Cheras] minta **PERDANA MENTERI** menyatakan berikutnya kejadian banjir yang berlaku di banyak bahagian dalam negara, bagaimanakah kedudukan:-
(a) jumlah tabung bencana alam negara yang dibelanjakan sehingga kini; dan
(b) taksiran kerugian yang ditanggung oleh rakyat baik kemusnahan harta benda, perniagaan, pertanian dan bagaimanakah tuntutan pampasan rakyat yang menderita ditangani.
60. PR-000-L41373
Tuan Fong Kui Lun [Bukit Bintang] minta **MENTERI SUMBER ASLI DAN ALAM SEKITAR** menyatakan bilangan kenderaan menggunakan terowong SMART dan jumlah kutipan tol sepanjang tempoh mula beroperasi sehingga kini dan sejauh manakah kemampuannya untuk mengelakkan banjir kilat di Kuala Lumpur.
61. PR-000-L42226
Dr. Hiew King Cheu [Kota Kinabalu] minta **PERDANA MENTERI** menyatakan bolehkah elaun-elaun Ahli Parlimen dinaikkan untuk memenuhi inflasi yang tinggi dan semakin meningkat. Ini adalah berdasarkan elaun-elaun Ahli Parlimen belum pernah dinaikkan dan lebih rendah jika dibandingkan dengan negara-negara terdekat. Jika ya, bilakah akan dilaksanakan.

62. PR-000-L41571
Tuan Muhammad bin Husain [Pasir Puteh] minta **PERDANA MENTERI** menyatakan peningkatan urusniaga dalam kawasan pembangunan ekonomi Indonesia-Malaysia-Thailand (IMT-GT) sejak ditubuhkan hingga sekarang.
63. PR-000-L42786
Puan Hajah Fuziah binti Salleh [Kuantan] minta **PERDANA MENTERI** menyatakan berapa ramai graduan dan juga subkontraktor yang telah berjaya dilahirkan dari Projek Managed Portal Services yang di berikan secara *direct- nego* berjumlah RM260juta kepada Alam Teknokrat (SKALI) dan apakah status pencapaian mereka pada masa ini dari segi teknikal dan kewangan.
64. PR-000-L42513
Tuan Tony Pua Kiam Wee [Petaling Jaya Utara] minta **PERDANA MENTERI** menyatakan :-
- (a) sebab projek pembangunan 1National Institute of Health (1NIH) ditawarkan secara rundingan terus kepada Sentosa Jitra Sdn Bhd dengan bayaran secara "*land swap*" termasuk pulangan kepada Kerajaan; dan
 - (b) syarat-syarat jitu di bawah perjanjian ini.
65. PR-000-L41386
Dato' Sri Ir. Mohd Zin bin Mohamed [Sepang] minta **MENTERI PERDAGANGAN ANTARABANGSA DAN INDUSTRI** menyatakan apakah usaha Kerajaan untuk meningkatkan bilangan pengeksport teknologi kejuruteraan dari kalangan syarikat tempatan agar dapat bersaing dengan syarikat luar negara dan apakah peningkatan syarikat pembekal teknologi kejuruteraan dari negara China dan India akan memberi kesan negatif kepada usaha tersebut.
66. PR-000-L42385
Dato' Dr. Haji Mohd Hayati Bin Othman [Pendang] minta **PERDANA MENTERI** menyatakan mengenai jumlah peruntukan yang diberikan kepada negeri Kedah melalui MKN dan JKM semasa banjir baru-baru ini dan berapa yang sudah dibelanjakan.
67. PR-000-L42458
Dato' Ngeh Koo Ham [Beruas] minta **MENTERI PENGANGKUTAN** menyatakan tindakan yang telah dan akan diambil terhadap rasuah dalam Puspakom yang kini diamalkan secara sistematik (teratur) menggunakan pelekat-pelekat yang menunjukkan wang rasuah telah dibayar kepada pihak-pihak berkenaan.
68. PR-000-L41747
Puan Chong Eng [Bukit Mertajam] minta **MENTERI TENAGA, TEKNOLOGI HIJAU DAN AIR** menyatakan status terkini projek perluasan Empangan Mengkuang di Bukit Mertajam termasuk bilakah projek dijangka siap sepenuhnya.

69. PR-000-L41463

Tuan Salahuddin Bin Haji Ayub [Kubang Kerian] minta **PERDANA MENTERI** menyatakan adakah Kerajaan berpuas hati terhadap tahap kecekapan kakitangan Kerajaan di semua peringkat. Apakah langkah-langkah yang telah diambil bagi memastikan kecekapan kakitangan Kerajaan adalah mengikut piawaian semasa dan mampu memberikan perkhidmatan yang efisien.

70. PR-000-L41797

Datuk Chua Soon Bui [Tawau] minta **MENTERI PENGANGKUTAN** menyatakan :-

- (a) apakah kelayakan dan syarat lesen untuk empat operator feri perkhidmatan sambungan Labuan - Menumbok; dan
- (b) bilakah empat operator feri itu akan memulakan perkhidmatannya. Adakah Kementerian akan menetapkan kadar tambang standard.

71. PR-000-L42557

Puan Teo Nie Ching [Serdang] minta **PERDANA MENTERI** menyatakan secara terperinci jumlah wang yang dibelanjakan oleh Kerajaan pusat sama ada menerusi Kementerian ataupun GLC (*Government-Linked Companies*) dalam kempen Pilihan Raya Kecil Tenang dan Merlimau.

72. PR-000-L42163

Tuan Hee Loy Sian [Petaling Jaya Selatan] minta **MENTERI DALAM NEGERI** menyatakan adakah Kerajaan berhasrat untuk meluaskan definasi penerbitan dalam Akta Mesin Cetak dan Penerbitan 1984 untuk meliputi terbitan multimedia termasuk kandungan Internet, Facebook, Twitter dan lain lain.

ATURAN URUSAN MESYUARAT DAN USUL-USUL

1. Perdana Menteri akan mencadangkan :

BAHAWA, suatu kejadian gempa bumi bermagnitud 9.0 pada skala Richter dan tsunami telah melanda di perairan Honshu, Jepun pada jam 1.46 petang waktu Malaysia hari Jumaat, 11 Mac 2011, kira-kira 400km Timur Laut dari Tokyo dan pada masa kini masih berlakunya gegaran susulan;

BAHAWA, gempa bumi dan tsunami itu telah mengakibatkan kehilangan nyawa yang banyak serta kemasuhan yang besar terhadap harta benda dan kerosakan infrastruktur terutamanya di Timur Laut Jepun di mana telah disifatkan oleh TYT Perdana Menteri Jepun Naoto Kan sebagai "malapetaka terburuk sejak Perang Dunia Kedua" dan usaha-usaha menyelamat masih dijalankan;

BAHAWA, Kerajaan dan rakyat Malaysia menyampaikan simpati dan takziah yang mendalam kepada Kerajaan dan rakyat Jepun serta kepada semua mangsa malapetaka ini termasuklah keluarga dan sahabat handai mereka;

BAHAWA, masyarakat antarabangsa telah bangkit menawarkan bantuan kepada Kerajaan dan rakyat Jepun bagi membantu usaha-usaha menyelamat yang sedang dijalankan;

BAHAWA, rakyat Malaysia berkongsi kesedihan dan kesengsaraan yang dialami oleh mangsa malapetaka dan bencana ini;

BAHAWA, disebabkan hubungan akrab yang sedia terjalin antara Malaysia dengan Jepun, rakyat Malaysia menghulurkan tawaran bantuan kemanusiaan untuk meringankan beban mangsa;

BAHAWA, Kerajaan dan rakyat Malaysia menilai tinggi penghargaan Kerajaan Jepun yang berhubung dengan bantuan kemanusiaan yang dicadangkan oleh Malaysia; dan

BAHAWA, rakyat Malaysia melihat negara Jepun sebagai sebuah negara yang telah banyak membantu Malaysia mencapai kemajuan dan adalah patut rakyat negara ini menghulurkan bantuan kemanusiaan kepada rakyat Jepun.

DENGAN INI DEWAN mengambil ketetapan seperti berikut :

- (1) Melahirkan rasa takziah dan simpati yang sangat mendalam kepada Kerajaan Jepun dan semua mangsa atas tragedi bencana gempa bumi dan tsunami yang telah melanda Jepun pada 11 Mac 2011;
- (2) Merakamkan penghargaan kepada Kerajaan dan rakyat Jepun atas segala bantuan yang diberikan kepada rakyat Malaysia, terutamanya pelajar-pelajar Malaysia, yang terjejas oleh malapetaka itu;
- (3) Menyeru seluruh rakyat Malaysia untuk memberikan sokongan dan bantuan dari segi material, emosi dan moral kepada mangsa-mangsa bencana dan malapetaka itu; dan
- (4) Merayu masyarakat antarabangsa untuk terus menghulurkan bantuan kemanusiaan kepada rakyat Jepun.

2. **Usul dibuat oleh Yang Berhormat Datuk Wira Ahmad bin Haji Hamzah [Jasin] dan masalah dicadangkan :-**

“ Bahawa suatu ucapan yang tidak seperti dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersebahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Tuanku semasa membuka Penggal Keempat Parlimen Yang Kedua Belas.”

Menyambung semula Perbahasan atas masalah (16 Mac, 2011)

- | | | |
|----|--|--|
| 3. | (D.R. 47/2010) Rang Undang-undang Tenaga Boleh Baharu 2010 | Bacaan Kali
Yang Kedua |
| | | [Kementerian Tenaga, Teknologi Hijau
dan Air] |
| 4. | (D.R. 43/2010) Rang Undang-undang Pihak Berkuasa Pembangunan Tenaga Lestari 2010 | “ |
| | | [Kementerian Tenaga, Teknologi Hijau
dan Air] |
| 5. | (D.R. 34/2010) Rang Undang-undang Juruanalisis Makanan 2010 | “ |
| | | [Kementerian Kesihatan] |

6. (D.R. 38/2010) Rang Undang-undang Perkapalan Saudagar (Pindaan dan Peluasan) 2010 “

[Kementerian Pengangkutan]

7. (D.R. 39/2010) Rang Undang-undang Perkapalan Saudagar (Pencemaran Minyak) (Pindaan) 2010 “

[Kementerian Pengangkutan]

8. (D.R. 42/2010) Rang Undang-undang Timbang Tara (Pindaan) 2010 “

[Perdana Menteri]

9. (D.R. 44/2010) Rang Undang-undang Perkhidmatan Kuarantin dan Pemeriksaan Malaysia 2010 “

[Kementerian Pertanian dan Industri Asas Tani]

10. (D.R. 46/2010) Rang Undang-undang Hak Cipta (Pindaan) 2010 “

[Kementerian Perdagangan Dalam Negeri, Koperasi dan Kepenggunaan]

11. (D.R. 30/2010) Rang Undang-undang Penilai, Pentaksir Dan Ejen Harta Tanah (Pindaan) 2010 “

[Kementerian Kewangan]

12. (D.R. 48/2010) Rang Undang-undang Maktab Kerjasama (Perbadanan) (Pindaan) 2010 “

[Kementerian Perdagangan Dalam Negeri, Koperasi dan Kepenggunaan]

13. (D.R. 45/2010) Rang Undang-undang Perbadanan Pembangunan Kampong Bharu 2010 “

[Kementerian Wilayah Persekutuan dan Kesejahteraan Bandar]

14. (D.R. 2/2011) Rang Undang-undang Penggalakan Pelaburan (Pindaan) 2011 “

[Kementerian Perdagangan Antarabangsa dan Industri]

15. (D.R. 1/2011) Rang Undang-undang Veteran 2011 "
[Kementerian Pertahanan]
16. (D.R. 3/2011) Rang Undang-undang Institut Sukan Negara 2011 "
[Kementerian Belia dan Sukan]
17. (D.R. 5/2011) Rang Undang-undang Saraan Hakim (Pindaan) 2011 "
[Perdana Menteri]
18. (D.R. 4/2011) Rang Undang-undang (Larangan) Kumpulan Wang Kutu (Pindaan) 2011 "
[Kementerian Perdagangan Dalam Negeri, Koperasi dan Kepenggunaan]
19. (D.R. 37/2009) Rang Undang-undang Cukai Barang dan Perkhidmatan 2009 "
[Kementerian Kewangan]
20. PR-000-U41523
Menteri Kewangan akan mencadangkan:-
 "Bahawa Dewan ini mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan melalui Menteri Kewangan (Pemerbadanan) membuat pelaburan dengan memperoleh sejumlah 10,000,000 unit saham biasa Danainfra Nasional Berhad, sebuah syarikat yang dimiliki sepenuhnya oleh Menteri Kewangan (Pemerbadanan) pada nilai RM1 bagi satu unit saham."
21. PR-000-U41523
Menteri Kewangan akan mencadangkan:-
 "Bahawa Dewan ini mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM15,500 juta wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut."

22. PR-000-U41312

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa sejak akhir-akhir ini, negara kita sering dilanda bencana banjir kilat yang bukan sahaja mendatangkan kerugian kepada rakyat dan negara, malah terdapat juga kehilangan nyawa. Dan mengambil maklum bahawa sebahagian besar punca berlakunya bencana banjir kilat ini disebabkan oleh aktiviti manusia sendiri, di mana sungai-sungai, saliran-saliran dan kolam-kolam takungan air telah menjadi cetek disebabkan oleh mendapan lumpur dan pasir. Dan mengambil maklum juga bahawa mendapan lumpur dan pasir-pasir di tempat-tempat yang disebutkan tadi adalah disebabkan oleh aktiviti manusia sendiri, misalnya penimbusan tanah secara terbuka, pembangunan tidak terancang, pembukaan ladang-ladang dan lain-lain lagi aktiviti pembangunan. Dan mengambil maklum bahawa dalam banyak kes, laporan kesan alam sekitar (EIA) tidak disediakan langsung atau tidak dipatuhi. Maka dengan ini Dewan hendaklah mengambil ketetapan untuk meminta Kerajaan melalui Kementerian yang berkaitan untuk meminda mana-mana akta yang perlu bagi menguatkuasakan peraturan sedia ada atau peraturan baru bagi mengatasi masalah yang mendatangkan kerugian besar kepada negara dan rakyat ini."

(Menteri Sumber Asli dan Alam Sekitar)

23. PR-000-U41326

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa terdapat banyak tanah-tanah perkuburan yang tidak terurus atau dikendalikan dengan baik, di mana ianya tidak disusun dengan rapi yang menyebabkan banyak kawasan kubur yang tidak dapat digunakan. Dan mengambil maklum bahawa kos penyelenggaraan dan pemuliharaan tanah perkuburan kian meningkat, banyak tanah perkuburan yang terbiar dan menjadi seperti kawasan belukar. Dan mengambil maklum juga bahawa kebanyakan tanah perkuburan tidak dijaga ataupun diselia dengan baik kecuali sesetengah tanah perkuburan yang ditadbir oleh badan JKKK atau JK tanah perkuburan di kampung yang berkaitan. Dan mengambil maklum juga bahawa pada ketika ini belum ada mana-mana peraturan sedia ada yang memastikan satu-satu tanah perkuburan diselenggara atau dijaga dengan baik bagi memastikan ianya sentiasa bersih dan terpelihara. Maka dengan ini Dewan hendaklah mengambil ketetapan untuk meminta Kerajaan untuk menubuhkan satu lembaga atau yayasan yang akan bertanggungjawab untuk menyelenggara dan menyelia tanah-tanah perkuburan di seluruh negara agar ianya sentiasa terpelihara sama ada dari segi kesihatan, kebersihan maupun keindahan."

(Menteri Sumber Asli dan Alam Sekitar)

24. PR-000-U41335

Datuk Dr. Marcus Mojigoh [Putatan] akan mencadangkan:-

" Bahawa Dewan ini mengambil maklum bahawa masalah tanah terbiar kian berleluasa. Dan mengambil maklum bahawa masalah bukan sahaja tidak mendatangkan sebarang hasil kepada pemilik tanah tersebut, malah ianya akan mendatangkan masalah lain seperti tempat pembiakan nyamuk aedes, ular, tikus dan sebagainya yang boleh mendatangkan berbagai jenis penyakit. Dan mengambil maklum juga bahawa perkara ini berlaku kerana beberapa sebab misalnya si pemilik tidak mampu untuk mengusahakan tanah tersebut , tanah tersebut terlalu kecil keluasannya, keluasan tanah yang tidak mencukupi bagi syarikat besar seperti FELCRA untuk mengusahakannya dan lain-lain sebab lagi. Maka dengan ini Dewan hendaklah mengambil ketetapan untuk meminta Kerajaan untuk menggubal satu akta atau peraturan di mana ianya akan dapat mendorong atau memastikan bahawa pemilik tanah-tanah terbiar tersebut untuk mengusahakannya. Di samping itu, menubuhkan satu koperasi bagi memajukan tanah-tanah tersebut dengan dana disumbangkan oleh syarikat swasta (di bawah Program CSR) dan Kerajaan."

(Menteri Sumber Asli dan Alam Sekitar)

25. PR-000-U41341

Datuk Dr. Marcus Mojigoh [Putatan] akan mencadangkan:-

" Bahawa Dewan ini mengambil maklum bahawa masalah kebanyakan benteng sungai-sungai di pekan-pekan utama dibina dengan konkrit. Dan mengambil maklum bahawa sungai-sungai konkrit ini bukan sahaja tidak mesra alam, tumbuhan yang lazimnya tumbuh di tebing-tebing sungai juga tidak dapat tumbuh. Dan mengambil maklum juga bahawa sungai-sungai konkrit ini juga tidak memberikan ruang bagi ikan-ikan di sungai untuk meletakkan telur mereka dan membiak, seperti mana lazimnya berlaku di sungai-sungai semulajadi. Maka dengan ini Dewan hendaklah mengambil ketetapan untuk meminta Kerajaan untuk menambah mana-mana peraturan sedia ada, supaya benteng-benteng sungai dibina dengan menggunakan cerucuk kayu keras ataupun "*interlocking bricks*" bagi membolehkan rerumput tumbuh dan juga ikan-ikan bertelur dan membiak (sebagaimana yang dibina di bandar Sibu, Sarawak). Kaedah ini adalah lebih mesra alam di samping mengekalkan flora dan fauna serta kehidupan marin sungai tersebut."

(Menteri Sumber Asli dan Alam Sekitar)

26. PR-000-U41523

Dr. Tan Seng Giaw [Kepong] akan mencadangkan:-

"Bahawa Dewan ini membahaskan faktor-faktor seperti inflasi, dasar yang tidak adil, keadaan hak asasi, kedudukan kekurangan kebebasan media yang menjelaskan kehidupan rakyat. Bahawa Dewan ini juga membincangkan apakah perbezaan di antara Malaysia berbanding dengan negara Mesir yang mengalami pemberontakan 'bunga melati' moden."

(Perdana Menteri)

27. PR-000-U41525

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan keperluan untuk mengkaji secara menyeluruh kekurangan kualiti sesetengah doktor di negara ini serta cara-cara untuk mengatasinya. Dewan ini juga membicarakan sebab-musabab Majlis Perubatan Malaysia tidak dapat mengawal dengan berkesan standard graduan perubatan lebih 3,500 orang setiap tahun."

(Menteri Kesihatan)

28. PR-000-U43074

Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk membenarkan siaran langsung sidang Dewan Rakyat melalui televisyen supaya rakyat boleh menonton ucapan para ahli berhormat dan proses Dewan Rakyat membuat keputusan terhadap dasar dan undang-undang."

(Menteri Penerangan, Komunikasi dan Kebudayaan)

29. PR-000-U43075

Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk memulihkan Pilihanraya Kerajaan Tempatan demi menjadikan perkhidmatan Kerajaan tempatan di negara kita lebih berkesan di samping memulangkan hak kepada rakyat untuk memilih Datuk Bandar dan ahli Majlis Kerajaan Tempatan."

(Menteri Perumahan dan Kerajaan Tempatan)

30. PR-000-U43076

Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk mendesak Kerajaan untuk melaksanakan kempen kitar semula dan kempen pengurangan penggunaan plastik dengan lebih gigih demi memelihara kebersihan alam sekitar."

(Menteri Perumahan dan Kerajaan Tempatan)

31. PR-000-U43077

Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk mengembalikan Akta Perkhidmatan Parlimen yang telah dimansuhkan pada tahun 1993 sebagai langkah untuk menjadikan Parlimen Malaysia sebagai Parlimen Dunia Pertama."

(Perdana Menteri)

32. PR-000-U43078

Puan Teresa Kok Suh Sim [Seputeh] akan mencadangkan:-

"Bahawa Dewan ini menyokong cadangan Suruhanjaya DiRaja Pembaikan Perjalanan dan Pengurusan PDRM dan YAB Perdana Menteri untuk menubuhkan Suruhanjaya Bebas dan Salah Laku Polis (IPCMC)."

(Menteri Dalam Negeri)

33. PR-000-U41480

Datuk Eric Enchin Majimbun [Sepanggar] akan mencadangkan:-

"Bahawa Dewan Yang Mulia ini menetapkan dan membincangkan mengenai perjanjian di antara pihak Petronas dengan Kerajaan negeri Sabah dan Persekutuan berkaitan cari gali minyak yang bukan sahaja mengandungi minyak mentah tetapi juga terdapat bahan-bahan lain seperti gas agar pihak-pihak yang berkenaan dapat menentukan dasar dan cara untuk meneliti dan mengkaji semula hasil galian tersebut demi untuk kebaikan bersama".

(Perdana Menteri)

34. PR-000-U41484

Datuk Eric Enchin Majimbun [Sepanggar] akan mencadangkan:-

"Bahawa Dewan Yang Mulia ini menetapkan dan meluluskan supaya kakitangan Kerajaan yang ditugaskan oleh SPR semasa pilihan raya berlangsung dan mereka yang bertugas di luar kawasan pada ketika itu termasuklah anggota polis, tentera dan sebagainya yang membuang undi secara undi pos seharusnya mengundi dengan sebebas-bebasnya tanpa dipengaruhi atau diarah oleh mana-mana pihak. Para pengundi pos ini mesti dan haruslah membuang undi untuk calon dari kediaman asal atau alamat tetapnya dan bukan di kawasan di mana pengundi itu bertugas."

(Perdana Menteri)

35. PR-000-U41490

Datuk Eric Enchin Majimbun [Sepanggar] akan mencadangkan:-

"Bahawa Dewan Yang Mulia ini membincangkan dengan seriusnya mengenai kemuliaan rakyat negara kita sebagai Rakyat Malaysia dengan suku-suku kaum masing-masing dan bukan hanya dengan sebutan suku kaum Melayu, Cina, India dan lain-lain yang jelas mengetepikan suku-suku kaum dari Sabah dan Sarawak. Keadaan tersebut merupakan satu penghinaan bagi kaum-kaum dari Sabah dan Sarawak yang dicatat sebagai 'lain-lain' dalam borang-borang pentadbiran Kerajaan yang perlu dicatat sejelas-jelasnya mengikut suku bangsa rakyat Malaysia yang telah wujud sekian lama di negara ini."

(Menteri Dalam Negeri)

36. PR-000-U41436

Tuan Fong Kui Lun [Bukit Bintang] akan mencadangkan:-

"Bahawa Pilihanraya Kerajaan Tempatan hendaklah dipulihkan semula bagi melengkapi sistem demokrasi di Malaysia dan mengembalikan hak rakyat untuk memilih perwakilan mereka sendiri dalam Kerajaan Tempatan".

(Menteri Perumahan dan Kerajaan Tempatan)

37. PR-000-U41440

Tuan Fong Kui Lun [Bukit Bintang] akan mencadangkan:-

"Bahawa Dewan ini membuat ketetapan supaya Kerajaan menyalurkan peruntukan tahunan kepada Ahli-Ahli Parlimen Pakatan Rakyat yang mewakili kawasan-kawasan yang dimenangi sebagaimana yang diberikan kepada wakil-wakil rakyat BN, supaya peruntukan dapat disalurkan untuk manfaat pengundi dan kawasan yang diwakili, seperti mana yang diamalkan di negara Taiwan. Langkah menyekat peruntukan tahunan wakil rakyat PR sebenarnya adalah satu diskriminasi politik ke atas para pengundi dan rakyat keseluruhannya dan sekatan amalan demokrasi sendiri".

(Perdana Menteri)

38. PR-000-U41442

Tuan Fong Kui Lun [Bukit Bintang] akan mencadangkan:-

"Bahawa Dewan ini membuat ketetapan supaya Kementerian Pelajaran menyemak dan menyusun semula sukanan pelajaran subjek Sejarah Malaysia bagi memasukkan input yang tertinggal supaya ia lebih komprehensif, terbuka dan menarik untuk dipelajari".

(Menteri Pelajaran)

39. PR-000-U42596

Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini harus meminta Kerajaan supaya menubuhkan satu badan bebas bagi menjalankan kajian terperinci untuk mengenalpasti keperluan untuk membina sekolah-sekolah Cina dan Tamil yang baru."

(Menteri Pelajaran)

40. PR-000-U42599

Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini harus mengambil maklum bahawa Kerajaan harus menguatkuasakan undang-undang bagi mensyaratkan semua wakil rakyat mengumumkan aset milikan/kekayaan peribadi secara terbuka".

(Perdana Menteri)

41. PR-000-U42601

Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini harus meminta Kerajaan supaya mengambil ketetapan yang rasional dalam pemilihan jumlah golongan bukan melayu secara seimbang dalam sektor perkhidmatan awam."

(Perdana Menteri)

42. PR-000-U42289

Tuan Chua Tian Chang [Batu] akan mencadangkan:-

" Bahawa Dewan ini mendesak Kerajaan Persekutuan mengembalikan hak kepada Negeri untuk melantik Pegawai Eksekutif *Ex-officio* yang memberi kuasa kepada Menteri Besar yang dipilih rakyat dan menghormati kedaulatan negeri. Jelasnya, pemindahan Perlembagaan pada Tahun 1983 terbukti adalah memusatkan kuasa kepada Perdana Menteri dan Ketua Setiausaha Negara untuk campur tangan dalam pentadbiran negeri."

(Perdana Menteri)

43. PR-000-U41589

Tuan John A/L Fernandez [Seremban] akan mencadangkan:-

"Bahawa Dewan ini dapat membincangkan agar Suruhanjaya Pilihan Raya mencadangkan kepada Kerajaan agar:-a) mengurangkan umur minimum kelayakan mengundi dari 21 tahun kepada 18 tahun;b) menjadikan pendaftaran untuk mengundi adalah satu perkara yang automatik; dan c) pengundi berdaftar adalah diwajibkan keluar mengundi."

(Perdana Menteri)

44. PR-000-U41590

Tuan John A/L Fernandez [Seremban] akan mencadangkan:-

"Bahawa Dewan ini dapat membahaskan agar satu mekanisma yang efektif dalam bentuk jangka masa pendek dalam menangani masalah banjir di negara ini."

(Menteri Sumber Asli dan Alam Sekitar)

45. PR-000-U41591

Tuan John A/L Fernandez [Seremban] akan mencadangkan:-

"Bahawa Dewan ini mendesak agar Kerajaan dapat mengawal harga barang asas seperti susu, gula dan tepung yang kerap naik harga tanpa mengambil kira kesannya terhadap rakyat yang rata-ratanya berpendapatan sederhana dan rendah."

(Menteri Perdagangan Dalam Negeri, Koperasi dan Kepenggunaan)

46. PR-000-U41592

Tuan John A/L Fernandez [Seremban] akan mencadangkan:-

"Bahawa Dewan ini dapat mengambil perhatian secara serius di mana terdapat ramai golongan muda kini telah diisyiharkan muflis akibat dari penggunaan kad kredit yang tidak terkawal."

(Menteri Kewangan)

47. PR-000-U41594

Tuan John A/L Fernandez [Seremban] akan mencadangkan:-

"Bahawa Dewan ini dapat mengarahkan Kerajaan untuk meminta semua penerima konsesi tol agar mengkaji semula kadar tol di negara ini bagi mengurangkan beban rakyat."

(Menteri Kerja Raya)

48. PR-000-U41597

Tuan John A/L Fernandez [Seremban] akan mencadangkan:-

"Bahawa Dewan ini mengambil keputusan untuk mengadakan satu mata pelajaran tambahan di sekolah yang mengajar agama, dat istiadat, budaya serta cara hidup semua kaum di negara ini yang terdiri dari pebagai kaum bagi mengelakkan perkara yang berlaku baru-baru ini di mana seorang pelatih beragama Sikh dipotong rambut panjangnya di Kem Pusat Khidmat Negara tidak berulang.

Isu ini adalah pelanggaran hak asasi manusia dan hak beragama di Malaysia. Suruhan Siasatan Diraja harus ditubuhkan untuk menyiasat pekara ini. Jikalau orang ramai mengenali agama, adat istiadat, budaya serta cara hidup kaum lain, pekara seumpama ini tidak akan berlaku dan isu perkauman juga dapat dihindari."

(Menterian Pelajaran)

49. PR-000-U41600

Tuan John A/L Fernandez [Seremban] akan mencadangkan:-

"Bahawa Dewan ini meminta Kerajaan Malaysia memberi lebih banyak peluang kepada masyarakat miskin tanpa mengira agama dan bangsa serta orang yang kurang upaya menjawat jawatan di sektor awam."

(Perdana Menteri)

50. PR-000-U41606

Tuan John A/L Fernandez [Seremban] akan mencadangkan:-

"Bahawa Dewan ini meminta Kerajaan untuk menyediakan perkhidmatan *Wifi* di seluruh negara untuk menggalakkan rakyat menggunakan internet bagi menambah pengetahuan mereka dan ini dapat menggalakkan semua lapisan masyarakat menggunakan internet."

(Menteri Penerangan, Komunikasi dan Kebudayaan)

51. PR-000-U41609

Tuan John A/L Fernandez [Seremban] akan mencadangkan:-

"Bahawa Dewan ini meminta Kerajaan mendesak pengusaha-pengusaha stesen minyak untuk menyedia lebih banyak perkhidmatan membekalkan gas bagi menggalakkan lebih ramai orang menggunakan gas bagi kenderaan mereka yang mana ini dapat mengurangkan pencemaran udara."

(Menteri Perdagangan Dalam Negeri, Koperasi dan Kepenggunaan)

52. PR-000-U41611

Tuan John A/L Fernandez [Seremban] akan mencadangkan:-

"Bahawa Dewan ini meminta Kerajaan menggubal undang-undang agar anak-anak dihadapkan ke mahkamah sekiranya mereka mengabaikan ibu bapa mereka yang sudah tua."

(Menteri Pembangunan Wanita, Keluarga dan Masyarakat)

53. PR-000-U42038

Tuan Liew Chin Tong [Bukit Bendera] akan mencadangkan:-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh Kementerian Pertahanan, mesti dibawa ke Parlimen dibahas dan diaudit oleh Jabatan Audit Negara sebagai syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Jet Sukhoi dan Kapal Selam Scorpene yang telah menimbulkan banyak persepsi negatif terhadap negara".

(Menteri Pertahanan)

54. PR-000-U42040

Tuan Liew Chin Tong [Bukit Bendera] akan mencadangkan:-

"Bahawa Dewan ini menyokong bahawa Perdana Menteri untuk menjelaskan kekeliruan yang disebabkan atas jawapan beliau tentang perbelanjaan Isteri Perdana Menteri pada Dewan yang lepas iaitu pada November 2010 yang tidak dipadani dengan kewujudan "First Lady of Malaysia Division" seperti yang ditunjukkan oleh direktori laman web Jabatan Perdana Menteri."

(Perdana Menteri)

55. PR-000-U42020

Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan untuk merakamkan setinggi-tinggi penghargaan dan terima kasih kepada Kerajaan Malaysia, Kerajaan Arab Saudi, Majlis Keselamatan Negara, Angkatan Tentera Malaysia dan pihak lain yang terlibat secara langsung dan tidak langsung dalam menjayakan "Ops Piramid" untuk menyelamatkan rakyat Malaysia yang terperangkap dalam pergolakan berdarah di bumi Mesir".

(Menteri Luar Negeri)

56. PR-000-U42023

Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri supaya keanggotaan Panel Perunding dan Pencegah Rasuah Suruhanjaya Pencegah Rasuah Malaysia (SPRM) dikaji semula bagi mengelakkan sebarang tindakan anggota panel yang mencatatkan imej SPMR dan Kerajaan."

(Perdana Menteri)

57. PR-000-U42025

Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan mendesak YAB Perdana Menteri mengkaji semula pengurusan dana dan bentuk pelaburan Lembaga Tabung Haji Malaysia. Dewan ini sedar tentang wujudnya kerisauan di kalangan umat Islam tentang penglibatan Lembaga Tabung Haji dalam pelaburan berisiko tinggi di dalam dan luar negara".

(Perdana Menteri)

58. PR-000-U42028

Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan mendesak YB Menteri Dalam Negeri dan YB Menteri Pembangunan Wanita, Keluarga dan Masyarakat mengambil langkah-langkah perlu untuk membersihkan bandaraya-bandaraya kita daripada sindiket "pengemis dan peminta derma" yang memperalatkan kanak-kanak, orang tua, orang kurang upaya dan pendatang asing. Dewan sedar bahawa tindakan 'pengemis dan peminta derma' ini menjelaskan imej negara dan menimbulkan persepsi negatif terhadap Kerajaan dan rakyat, selain masalah keselamatan."

(Menteri Pembangunan Wanita, Keluarga dan Masyarakat)

59. PR-000-U42030

Dato' Seri Zahrain Mohamed Hashim [Bayan Baru] akan mencadangkan:-

"Bahawa Dewan ini membuat ketetapan mendesak YB Menteri Kewangan memansuhkan pendekatan penghapusan subsidi secara total dalam kerangka Model Baru Ekonomi (NEM).

Dewan mengambil iktibar bahawa tindakan drastik penghapusan subsidi akan menggugat kestabilan sosial dan mungkin mengancam keselamatan negara seperti yang pernah berlaku di beberapa negara jiran, termasuk Indonesia pada lewat tahun 90an dan situasi terkini di negara Mesir."

(Menteri Kewangan)

60. PR-000-U42273

Tuan Gwo-Burne Loh [Kelana Jaya] akan mencadangkan:-

"Bahawa Dewan ini mengambil maklum bahawa Kerajaan Malaysia sebagai anggota Majlis Hak Asasi Manusia Bangsa-bangsa Bersatu dalam menguatkuasa Resolusi 62/149 Bangsa-Bangsa Bersatu mengenai Moratorium terhadap Hukuman Mati yang telah dikuatkuasakan oleh Perhimpunan Agong Bangsa-Bangsa Bersatu pada 18 Disember 2007 di mana negara-negara yang masih mengamal hukuman mati diminta untuk menghentikan penggunaan hukuman mati dan mengurangkan jumlah hukuman-hukuman yang membawa hukuman mati secara berperingkat dan melaksanakan moratorium terhadap kesemua hukuman mati dengan hasrat untuk menghapuskan hukuman ini sama sekali. Maka dengan ini Dewan hendaklah mengambil ketetapan untuk meminta Kerajaan melalui Kementerian Luar Negeri untuk membantu mematuhi Moratorium tersebut dan meminda undang-undang yang bercanggah dengan Moratorium tersebut."

(Menteri Dalam Negeri)

61. PR-000-U42275

Tuan Gwo-Burne Loh [Kelana Jaya] akan mencadangkan:-

"Bahawa Dewan ini membuat ketetapan menubuhkan sebuah Suruhanjaya Diraja Siasatan Kes Kematian Tujuh Warga Pekerja Asing pada hujung Mei 2009 akibat kerja perobohan Jaya Supermarket, Petaling Jaya. Daripada siasatan yang dijalankan kerja perobohan tersebut tidak mendapat kelulusan Jabatan Keselamatan dan Kesihatan Pekerjaan (DOSH)."

(Menteri Sumber Manusia)

62. PR-000-U42278

Tuan Gwo-Burne Loh [Kelana Jaya] akan mencadangkan:-

"Bahawa Dewan ini mendesak Suruhanjaya Integriti Agensi Penguatkuasaan (SIAP) menjalankan siasatan ke atas kematian adik Aminulrasyid yang ditembak mati oleh anggota polis. Dewan juga mendesak mengenai perlantikan panel khas di dalam siasatan kes ini. Polis didakwa menyalahgunakan senjata api sehingga menyebabkan Aminulrasyid terbunuh oleh polis.

Daripada siasatan dan perbicaraan yang dijalankan, banyak pihak tidak berpuas hati dengan perjalanannya dan diharap agar Suruhanjaya ini mampu untuk menjawab pelbagai spekulasi."

(Perdana Menteri)

63. PR-000-U42196

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan mengambil langkah segera bagi meringankan beban rakyat dengan menghapus dan memansuhkan semua jenis tol di lebuh raya Malaysia."

(Perdana Menteri)

64. PR-000-U42197

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan mengambil tindakan membatalkan semua jenis saman ekor tertunggak yang berjumlah 15 juta saman setelah pelaksanaan format dan Akta Pengangkutan Jalan pindaan 2010 dikuat kuasakan."

(Menteri Dalam Negeri)

65. PR-000-U42199

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan menutup syarikat Felda Plantation dan mengagihkan tanah milik Felda Plantation kepada generasi kedua dan ketiga peneroka Felda."

(Perdana Menteri)

66. PR-000-U42201

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan memberikan pengiktirafan peranan dan jasa kakitangan awam dengan mengkaji semula struktur gaji bermula dengan menaikkan imbuhan perguruan sebanyak RM500 sebulan setiap seorang guru sebagai penghargaan kepada guru."

(Perdana Menteri)

67. PR-000-U42203

Dato' Haji Mahfuz bin Omar [Pokok Sena] akan mencadangkan:-

"Bahawa Dewan ini membuat ketetapan supaya Kerajaan menaikkan royalti minyak kepada negeri Sabah, Sarawak, Terengganu dan Kelantan kepada 20 peratus."

(Perdana Menteri)

(DEWAN RAKYAT)

<u>TAHUN 2011</u>	<u>RISALAT/DOKUMEN</u>	<u>TARIKH DIBENTANGKAN</u>
ST.1	Laporan Tahunan dan Penyata Kewangan Lembaga Hasil Dalam Negeri Malaysia Bagi Tahun 2009.	17 Mac 2011
ST.6	Laporan Tahunan dan Penyata Kewangan Balai Seni Lukis Negara Bagi Tahun 2009.	17 Mac 2011